

أجمل نكت الثورة

إعداد خاص
ابن بشار



بطاقة فهرسة

حقوق الطبع محفوظة

مكتبة جزيرة الورد

اسم الكتاب : أجمل نكت الثورة

إعداد خاص: ابن بشار

رقم الإيداع :

الطبعة الأولى: ٢٠١١



مَكِّيَّةٌ تُجْرِيهِ رَقَّةُ الْوَرْدِ

[illegible]

Tokoboko_@yahoo.com

لو فقد المصري خفة ظله لفقد سلاحًا قويًا ينتقم به ممن يحكمونه
ويظلمونه . لفقد ما يعينه على تحمل البلاء والغلاء وأبو علاء . لفقد ما
يمكنه من تجاوز نكباته وأزماته .. في الكوارث ينشط المصريون ويطلقون
نكاتهم الساخرة والساحرة .. لولاها لأصيبوا بالسكتة القلبية وماتوا كمدا .
لولاها ما تحملوا ضيق الرزق وضيق الحياة .. المصري لو
تخلّى عن النكتة لتحول إلى بركان غاضب يدمر .. تحول إلى
نار تحرق .. قبل أن يثور المصريون على نظام مبارك كان
الاكتئاب قد تمكن منهم . الوجوه عابثة والصدور ضاقت
والقلوب قد ملأها الصدا .. نادرا ما كنت تسمع نكاتهم ..
حرموا من النكتة فتحولوا إلى جمر حرق النظام وحاشيته ..
لكن ما انفجرت الثورة حتى انفجر المصريون معها سخرية ..
مئات النكات يوميًا كانوا يبتونها عبر الموبايل والفيس بوك ..
نكات ترجموا بها ما كان يجري وانتقموا فيها من مبارك
وعائلته ومن كان في خدمتهم من رجال الأعمال .. إليكم ما
أطلقه شعبنا من نكات طوال أيام الثورة وبعدها .

ابتسم فأنت في حضرة الرئيس المخلوع

يعني إيه كوكا زيرو : الشعب مستني خطاب مبارك .. يقوم أوباما يخطب .

نكتة الموسم من ميدان التحرير : إنت زعلت مندا يا رئيس ! إحنا كنا بنهزّر معاك .. طب مش هانمشي إلا ما ترجع .

رسالة من تلميذ مصري إلى ميدان التحرير : بخصوص الثورة اللي شغالة عندكم لا تنسوا أنها ستدخل في مادة التاريخ واحنا اللي بنحفظ فاختصروا من فضلكم !

مواطن مصري قال لآخر : الرئيس حسني مبارك خطفوه والفدية ٥ ملايين دولار ، ولو الفدية ما دفعتش .. الخاطفين هددوا يدلقوا عليه بنزين ويحرقوه وإحنا بنجمع تبرعات .. تحب تشارك ؟ الرجل سأل : « وفي المتوسط الناس بتتبرع بكام » .. الرجل الثاني : « من ٥ إلى ١٠ لتر بنزين !

عاجل : سيتم انتقال السلطة بشكل سلمي وجدول زمني محدد .. الجدول هو : الرئيس يحكم حد وثلاث وخميس .. وعمر سليمان سبت واثنين وأربع ويوم الجمعة مرة شفيق ومرة الشعب اللي يصحى الأول .



حسنى مبارك جمع شيخ الأزهر وبابا الكنيسة المصرية
وقال لهم : أنا جمعتكم النهاردة عشان أقول لكم إن ابني
جمال هيبقى رئيس مصر سنة ٢٠١١ م .. قام البابا قال : ما
شاء الله اللهم صلي ع النبي .. شيخ الأزهر قال له : إيه اللي
بتقوله ده يا حضرة البابا .. الكلام ده بتاعنا ؟ البابا قال له :
ما هي حاجة تخلي الواحد يطلع من دينه .

من ميدان التحرير إلى الإخوة الأشقاء العرب في حد
مضايقكم تاني نخلعه قبل ما نترك الميدان ؟

نكتة الأحداث الأخيرة : أحمد عز والبرادعي ومرشد
الإخوان راكبين ميكرو باص ، قام أحمد عز قال : أنا لما
باخطب في المجلس ببسقفلي ربع مليون ، قام مرشد
الإخوان قال له : أنا لما باخطب في الجامع ببسقفلي نص
مليون. قام البرادعي قال أنا لما باخطب في الناس ببسقفلي

مليون ، راح سواق الميكرو باص قايل : وأنا لو قلبت
بيكم العربية هيسقولي ٨٠ مليون .

بيقولك الشباب في التحرير مختلف مع بعض علشان فيه
ناس معاها أجندات ٢٠١٠ وناس معاها ٢٠١١ ده غير
الإخوان اللي معاها أجندات بالتقويم الهجري .



خبر عاجل الرئيس .. إيه الأخبار يا عمر ؟ قال له : كله
تمام يا ريس .. بعنا المصانع وبعنا الشركات وهربنا الآثار
.. وحولنا الفلوس بره .. ومش فاضل غير الشعب .. الرئيس
: كويس كده .. انقل المسلمين السعودية .. والمسيحيين
أمريكا .. واقفل وتعال .

بعد جمعة النصر في تونس وجمعة الرحيل في مصر
قرر القذافي إلغاء يوم الجمعة .

رسالة من زين العابدين إلى حسني مبارك : متناساش
تجيب معاك دراع بلالي ستيتشن معاك : رد مبارك : (لا
تعايرني ولا أعايرك الشعب خلعني وخلعك).

الجمعة القادمة هي جمعة « ارجع بقى وحشتنا » .

عاجل جدًا : البيان الجمهوري تقرر تغيير كرسي
الرئاسة لـ « كرسي تيفال » علشان ما حدش يلزق فيه .

خبر عاجل : قطع جزء من جسد حسني مبارك وذلك
أثناء عملية فصله عن الكرسي أرجو الدعاء بالشفاء العاجل

المادة ٥٣٤ من الدستور : إذا مات الرئيس يتم تشكيل
لجنة لتحضير روحه لإدارة المرحلة الانتقالية .

المادة ٥٣٥ من الدستور : إذا فشل تحضير روح الرئيس
تلغى الدولة ويلغى الدستور ويوزع الشعب على الدول
المجاورة



قالوا لحبيب العادلي : من أين لك هذا ؟ قال : هذا من فضل ربي.. رد الشيطان عليه وقال : آه يا واطي يا ناكر الجميل .

إلى كل المعترضين على ميدان التحرير وكل المتعاطفين مع حسني مبارك واللي بيعتبروه باباهم ياريت تكتبوا أساميكم في ورقة علشان لما النظام يتغير حانلمكم في مستعمرة ونمشي عليكم النظام القديم .

الرئيس الليبي معمر القذافي في لقاء تليفزيوني قبل قليل : المرأة لازم تأخذ حقوقها سواء كانت ذكر أو أنثى .

مبارك بعد ما مات قابل السادات وعبد الناصر سألوه : سم ولا منصة .. قال : فيس بوك .

خبر عاجل : عودة مجموعة من الأطباء السعوديين بعد إجراء عملية فصل التوأمين مبارك والكرسي بنجاح .

بيقولك حسني مبارك فكر في الرحيل إلى تونس وترشيح نفسه في انتخابات الرئاسة هناك .. فخرجت الجماهير التونسية تطالب بعودة بن علي !



حسني مبارك وعمر سليمان كانوا ماشيين في ميدان التحرير .. مبارك قال : هم الناس متجمعين كده ليه هو فيه ايه؟ رد عمر سليمان وقال : مجتمعين عشان يودعوك يا ريس .. مبارك قال : ليه هم راحين فين؟!

مبارك لعمل سليمان : ايه أخبار الشعب بعد الغلاء؟ قال : الشعب بياكل زفت يا ريس .. قال له : غلي الزفت .

القذافي معلقاً على الأحداث في مصر : «ياما نصحتو خليك مع شعبك مخدش بنصيحتي» .

تم تغيير النشيد الوطني المصري وأصبح : بلادو بلادو بلادو .. مصر لحسني وولادو !!!

بعد خشيتته من اتهامه بمحاولة توريث الحكم .. القذافي
يتبرأ من سيف الإسلام : «دا مش ابني ولا أعرفه» .

سألوا الرئيس عن رأيه في التغيير ، قال : التغيير ده سنة
الحياة .. قالوا : طب وسيادتك مش هتتغير؟ قال : أنا فرض مش
سنة .

مبارك طلب يترشح ثاني للرئاسة ، قالوا له : إنت أهيل؟ قال
: يعني لازم الشرط ده .



أسواق جدة بعد سنتين : نواز شريف للأحذية .. صالون
زين العابدين للحلاقة .. مخابز وتموينات حسني مبارك ..
القذافي للخيام وبيوت الشعر .. بشار للكبة والفتوش ..
حريري كوفي شوب .. عمر البشير دوكو السيارات ..
مؤسسة بوتفليقة للجبس والرخام .

لبيي لقي فانوس سحري .. فرك .. فرك .. فرك .. طلعوا
 القذافي .. قالوا شوبيك لبيك .. عمروا بين إيديك .. قالوا
 ارجع تاني وعيب علي لو طلبت منك حاجة .
 بعد ما سقط الرئيس .. طلع مبارك في خطاب وقالهم
 جايلكم في امتحانات الملحق .

مبارك: عارف يا إبليس يا خويا ، أنا عاوز أعمل في
 الشعب المصري حركة تطلع من نافوخهم .. إبليس : طب
 هات ودنك وخذ الفكرة دي .. وش وش وش وش .. مبارك
 : لا لا يا إبليس الفكرة دي مش نافعة ، عاوز حاجة أشد ..
 إبليس : طب خد دي .. وش وش وش وش .. مبارك : لا لا
 ، برضه مش نافعة ، إيه يا إبليس إنت بقيت خرع كده ليه ،
 هات بقا ودنك وأنا أقولك أنا نويت أعمل فيهم إيه .. وش
 وش وش وش .. إبليس : لا يا راجل حرام عليك .



مرة حسني مبارك راح مدرسة ابتدائي فلما جت فترة الأسئلة ولد رفع إيدته .. مبارك سألته : اسمك إيه؟ فقالته : رامي .. فقالته : إيه سؤالك يا رامي ؟ رامي : أنا عندي ٤ أسئلة :

١- ليه إنت رئيس بقالك ٣٠ سنة ؟

٢- ليه معينتش نائب ؟

٣- ليه أولادك ماسكين كل حاجة في البلد ؟

٤- ليه مصر حالتها الاقتصادية زفت وإنت مبتعملش حاجة ؟

ساعتها بالضبط رن جرس الراحة وبعد الراحة رجع مبارك وقال : إحنا كنا فين بقي؟ مين عنده سؤال ؟

ولد صغير تاني رفع إيدته فمبارك سألته : اسمك إيه؟ قاله : تامر .. فقالته : سؤالك إيه يا تامر ؟

تامر أنا عندي ٦ أسئلة :

١- ليه إنت رئيس بقالك ٣٠ سنة ؟

٢- ليه معينتش نائب ؟

٣- ليه أولادك ماسكين كل حاجة في البلد ؟

٤- ليه مصر حالتها الاقتصادية زفت وإنت مبتعملش حاجة ؟

٥- ليه جرس الراحة رن ربع ساعة بدري؟

٦- فين رامي ؟؟



قولي بصراحة يا نظيف ولا داعي للمجاملة أو النفاق ..
 نظيف : أمرك يا ريس .. الرئيس : أنا الأفضل ولا عبد
 الناصر؟ نظيف : إنت طبعًا يا ريس .. جمال مين اللي كان
 بيخاف من الروس!! .. الرئيس : طيب أنا الأفضل ولا
 السادات؟ نظيف : سادات مين يا ريس اللي كان بيخاف من
 الأمريكان!! الرئيس : طيب أنا الأفضل ولا عمر بن
 الخطاب؟ نظيف : إنت طبعًا يا ريس .. عمر بن الخطاب
 كان بيخاف من ربنا .. إنت لا .

كان في سرير المرض حينما أخذ يلقي بوصاياه الأخيرة
 لوزيره نظيف : وصيتك الحكم من بعدي يا أحمد .. في
 رقبتي يا ريس كله تمام والسلطة هياخذها جمال .. «ثم راح
 في غيبوبة.. أفاق منها بعد قليل» .. وصيتك الشعب من
 بعدي يا أحمد .. ما تخافش يا ريس .. الشعب يأكل الزلط..
 «ثم راح في غيبوبة .. أفاق منها بعد قليل» .. أحمد.. نعم يا
 ريس .. ماتننشاش .. توكيل الزلط لعلاء!!

بيقولك جمال مبارك بعد الجواز .. أبوه حب يضمّنه
مستقبله .. جابله عقد عمل في السعودية .. وشغلوه برضه
ابن رئيس جمهورية بالساعة .





اشتكى حسني مبارك لحبيب العادلي إن «حمو النيل» ما



بيخلهوش ينام ... بعد ثلاث تيام اتصل بيه حبيب العادلي
وقاله تمام يا فندم قبضنا على كل اللي اسمهم حمو وجاري

في عيد الأضحى طلب حسني مبارك من حبيب العادلي
١٠ خرفان عشان ينقي منهم خروف يضحي بيه في العيد ..
بعد ثلاث تيام جابله خروف متعور ومتبهدل خالص .. فقال له
: إيه ده يا حبيب؟ جابيلي خروف حالته بالبالا .. فقال له : ده
اللي فضل صاحي بعد التحقيقات يا فندم .. قاله : طب وباقي
الخرفان .. فرد حبيب : طلعوا مفكرين يا فندم .

مبارك ماشي في الصحرا شاف تمثال ، قال لحبيب
العادلي شو فلي التمثال ده بتاع مين يا حبيب ، ربع ساعة
رجعله حبيب العادلي وقاله : ده رمسيس الثاني يا فندم ،
مبارك قاله : عرفت منين ، العادلي رد : اعترف يا فندم .

بيقولك واحد تاني لقي الفانوس السحري ده .. دعه ..
طلعله العفريت وقاله : شببك لببك تطلب إيه ؟ قاله الراجل
: أنا عايز كوبري بين القاهرة وأسوان .. العفريت قاله :
دي صعبة قوي .. نقي حاجة تانية .. الراجل قاله : خلاص
خلي حسني مبارك يسيب الحكم : العفريت قاله : إنت عايز
الكوبري رايع جاي ولا رايع بس ؟



قرر مبارك أن يعين سكرتير ، فلجأ إلى نظيف .. مبارك : أهم حاجة يا نظيف في اللي يشتغل معايا الأمانة .. نظيف : يا ريس إحنا عملنا اختبار لثلاث بنات ، إدينا لكل واحدة كيس وقلنالها ودي الألف جنيه دول البنك ، كل واحدة فتحت الكيس لقت فيه ألفين ، واحدة حطت ألف ورجعت بألف ، الثانية حطت الألفين وجابت الوصل ، والثالثة رجعت بالفلوس كلها وتسأل تتصرف إزاي ، ها يا ريس هتعين مين؟ مبارك : اللي لابسة ميكرو جيب طبعًا .

بيقولك مرة شيخ اتمسك في أمن الدولة وسابوه .. فأمن الدولة مراقبينه .. أول يوم لقوه ماشي في شارع الهرم راحوا مكلمين الرئيس وقالوله الشيخ تاب يا ريس .. ثاني يوم لقوه في كباريه قالوا الشيخ تاب وأناب يا ريس .. ثالث

يوم لقوه في الأتوبيس ببسرق واحد .. قالوا الشيخ تاب
وأنا وبقي من الحزب الوطني يا ريس .

بيقولك حسني كان عاوز يغير دولارات ومش لاقى في
السوق ، فراح منادي نظيف : مفيش دولارات في السوق
ليه انت نظفت السوق؟ نظيف : الحج والعمرة يا باشا
خلصوا على الاحتياطي .. بقولك إيه حج إيه وبتاع إيه ..
من السنة الجاية الحج يبقى في مصر . نظيف : يا باشا ..
إزاي بس .. اتصرف بعد يومين رجع نظيف وقاله : كله
تمام يا باشا خلاص الحج حبيقي عندنا .. الرئيس : طب
والكعبة حتعمل فيها إيه ؟ حنعملها في ميدان الحجاز بمصر
الجديدة وبيقوا يلفوا حوالها .. الرئيس : طب والسعي ؟ يا
باشا بيقوا يجرؤا في طريق صلاح سالم لغاية المطار
ويرجعوا .. الرئيس : وعرفة؟ يطلعوا المقطم يا باشا ..
الرئيس : طب ورجم إبليس يا فالح ؟ إتعب معانا شوية بقى
يا ريس .



بيقولك كمال الجنزوري جالو بعد ما شالوا من الوزارة وقالوا عايز أعرف انت شيلتني ليه يا ريس .. قاله : يا كمال يا حبيبي التغيير سُنّة الحياة ، قاله : طيب شيلت وزير المواصلات ليه . . قاله : يا كمال يا حبيبي التغيير سُنّة الحياة . قاله : طيب ممكن أسألك سؤال : أومال ليه انت الوحيد اللي ما بتتغيرش؟ قاله : يا حبيبي تغييركم انتم سُنّة لكن أنا وجودي «فرض» .

بلطجي لقناة العربية انتو ليه بترموا قنابل مولوتوف على الشباب : فرد قائلاً: العيال بيرموا علينا قنابل بلوتوث

شهود عيان في وزارة التربية والتعليم تفيد بأنه قد تم تأجيل امتحانات الدور الثاني إلى أجل غير مسمى ، معللة هذا بأن النظام سقط وعاوز وقت عشان يلحق يذاكر .

عقد الرئيس جلسة مع حبيب العدلي قاله محتدًا : منعت الحشيش يا فالح؟ أهو الشعب صحصح .

أمنية واحد مصري : يا ريت مبارك كان ضربنا إحنا الضربة الجوية ، وراح حكم إسرائيل ٣٠ سنة ، كان زمانهم بيشتتوا دلوقتي !



عمر سليمان : حسني مبارك ده هو أبونا كلنا .. محشش
 : ده إحنا طلعنا ولاد حرام يا رجالة .
 مبارك وكتاب جينتس منذ وصوله إلى السلطة ، عمل

مع مبارك تسعة رؤساء إسرائيليين ، وثلاثة فرنسيين ،
 وخمسة أمريكيين و ٢ إماراتيين ، و ٢ سوريين ، و ٢
 فلسطينيين ، و ٢ جزائريين ، و ١٢ رئيس وزراء بريطانيين ،
 و ٤ مستشارين ألمانين ، و ٣ ملوك سعوديين ، و ٢ بحرينيين
 ، و ٢ ملوك أردنيين ، و ٢ أمراء قطريين ، وفي الختام
 ولست متأكدًا أنه الختام .. عمل ٣٠ عامًا مع الشعب
 المصري .

إليس شاف ٣ ملايين بصلوا في ميدان التحرير راح
 مصوت وقال : الله يخرب بيتك يا مبارك بقالى ٣٠ سنة
 أضلل فيهم وانت بعمالك السودا دي تخليهم يتجمعوا
 وبصلوا؟ وهتف مع المتظاهرين : يسقط يسقط حسني
 مبارك !

إعلان وظيفي نشره مبارك بعد تنحيه كتب فيه : رئيس
 سابق يبحث عن وظيفة .. خبرة في إنشاء الكباري متعددة
 الطوابق .. والمعتقلات شديدة الوحشية .. ولديه قدرة خاصة
 على التناحرة .



أفلام عن حسني مبارك .. ومن ضمن الأفلام التي
اقترحها بعض المتظاهرين عن حسني مبارك :

مبارك في الزنزانة ..

يا أنا يا حسني ..

الواد سليمان بتاع الرئيس ..

مبارك شيكا بيكا ..

إنها حقًا أجندة محترمة ..

خالتي أجندة ..

شورت وأجندة وكاب ..

بلطجية في كي جي تو ..

مطب رئاسي ..

اللي بالي ماشي ..

اللعب مع الإخوان ..

نحيني شكرًا ..

يا دنيا يا حرامي ..

وفيما يخص أفلام اقترحها المتظاهرون وسبق وقدمها
فنانو مصر واقترح المتظاهرون أن يقدمها حسني مبارك ..
وهي : حسني مبارك «أسف على الإزعاج» .







سبب عدم غناء محمد ثروت في الحفلات الوطنية إنه
مرة غلط وغنى : الله أكبر فوق كيد المعتدي .
(السلام الجديد بين الزعماء العرب هو «الثورة عليكم
ورحمة الله وبركاته»!) ..
وهناك نكات أخرى تقول : مبارك قال لأعوانه : فين
الفلوس ؟ فقالوا له أنت ناسي يا ريس أننا أنفقنا علي
البلطجية والحمير في موقعة الجحش ! ..
(واحد بيسأل الثاني إذا انتصرنا ع الحكومة وفزنا عليهم
يحصل إيه ؟ رد عليه الثاني : حنلعب مع تونس في النهائي
.)

مصريون رفعوا بدورهم لافتات طريفة خلال الثورة
وعقب تنحي مبارك في ميدان التحرير أشهرها لافتة تقول
(إرجع ياريس كنا بنهزر معاك .. الكاميرا الخفية!!) و)
مبارك مبارك .. طير أنت)
(رابطة نجاري مصر يسألون الأسطى مبارك: ما نوع
الغراء الذي تستخدمه؟)



(ارحل.. الولية عاوزة تولد والولد مش عايز يشوفك)
 (لو ما استحمش النهاردة في بيتنا.. هاستحمي يوم
 الجمعة في قصر الرئاسة)
 وتعقيباً على الاتهامات بوجود أجندة لدى المعتصمين في
 ميدان التحرير.. ومندسين من الخارج بينهم.. سخر البعض
 بما وصفوه بـ«نشيد الأجندة».. الذي يقول:
 أنا مهندس.. أنا مهندس.. هاتلي أجندة ووجبة وبس.
 من هارديز أو من كنتاكي.. هاتلي وجبة دينر بوكس أو
 سوبر زنجر من غير خس ..



هاتلي أجندة من الفجالة اعمل بيها بيها ثورة في مصر ..
 أنا مهندس .. أنا مهندس .. وكل الشعب كمان مهندس .. كل
 الناس هنا مش عايزينك .. وانت يا حسني مش بتحس
 كل فضايحك .. كل جرايمك .. كلو موجود على ويكيليكس
 .. أنا مهندس .. أنا مهندس .. عندي أجندة مستر إكس !
 بين القصر وبين القبر ، كلها حسبة متر ونص انا مهندس
 .. أنا مهندس .





نفسي أخلع جذرك بمقص
 سبعين مليار مش عاجبيك ،
 أنا مهندس
 لقيت ستات محجبات طلّعوا إخوان
 بصيت ورا لاقيت ستات مش محجبات طلّعوا إخوان
 ومره واحدة لاقيت ناس راكمه خيول وجمال برضه
 طلّعوا إخوان.
 حتى الناس البلطجية طلّعوا إخوان
 والناس اللي كانوا حيدخلوا يدفنوا جثة توت عنخ آمون
 فى المتحف أكيد إخوان
 حتى الرجال بتاع كنتاكي ابو دقن لازم يكون إخوان
 دى مطلعتش ثوره ده طلع إعلان للإخوان
 إرحل عنا.. غور وفارقنا.. ياللي دماغك عايزة الكسر



وقال عكاشة – في لقاء مع أعضاء نادي «ليونز السلام»
 - إن «البطالة.. والفقر.. والإدمان.. والإحباط.. والأمية..
 والانسلاخ من العروبة.. وفقدان الإحساس بالعدالة..

وشعور المواطن بأن غرض الدولة من الأمن سياسي وليس لحيمايته...» كل ذلك يجعلنا علي حافة الهاوية.. خاصة بعد تنامي العديد من الأفكار المستحدثة مثل أفكار الدين الاستقطابي الذي يكفر الآخر.. محذرا من موجة عنف شديدة قادمة إن لم تتغير أوضاع المجتمع الذي أصبح تربة خصبة لنمو العنف.. وقد أبدى «المسيري» دهشته من إلغاء ندوة مخصصة للحديث عن النكات وتحليلها.. مستغربا: لا أتصور نظاما يخشى إلى هذه الدرجة من النكتة !

مع دخول المسرحية الكوميدية «امشي يا حسني لا مش ماشي» موسمها الثلاثين بنجاح ساحق.. أيضا أجمد الايفهات والافشات عن حسنى مبارك ونكت ثورة الشعب المصرى..



الرئيس اتصل بعمر سليمان بعد التحية بيقوله أخبار الدنيا عندك إيه ... قاله الدنيا زى ما هي يا رئيس العيال في الميدان.. والأرض بعناها والفلوس هربناها .. فالرئيس قاله طيب ودى المسيحيين على أمريكا.. والمسلمين على السعودية واقفل البلد على العيال وتعالى .

الجيش مسك واحد ماشي في الشارع بعد حظر التجول وسألوه: إنت ليه انتهكت حظر التجول؟.. قال لهم: اصل انا عندي تجول لا إرادي

قامت اليوم مظاهرات حاشدة في جميع أنحاء الجمهورية من أفراد وضابط الشرطة .. وقد قامت اللجان الشعبية بإلقاء قنابل بمب وصواريخ رمضان لتفريق المتظاهرين وقمع المظاهرات ..

من ميدان التحرير إلى الإخوة الأشقاء العرب: في حد مضايقتكم تاني نخلعه قبل ما نترك ميدان التحرير..؟

بعد تسمية تونس للجمعة بجمعة الغضب ومصر بجمعة الرحيل قرر رئيس ليبيا إلغاء يوم الجمعة وجعل الأسبوع سبت حد اثنين ثلاثاء أربعاء خميس سبت



ومن مسلسلات الثورة : لن أعيش في ميدان التحرير –
من أطلق الرصاص على المتظاهرين – ليالي التحرير –
حرمت يا ريس – يوميات مندى – تائر وست متظاهرات
-ومن البرامج من قلب مظاهرة – الميدان ميدانك – التحرير
النهاردة

الحكومة المصرية تقرر الاستفاده من التجمهر في ميدان
التحرير وتجعل رسوم الدخول للميدان خمسة جنيه
للمصري وعشرة جنيه للأجانب.

في النار فيه ترقيم للعذاب ١ و ٢ مثلاً و..... كل مايزيد
الرقم كل ما العذاب يكون أشد. فصاحبنا كان رقمه ٢٧ فراح
يشوف ناره لقي واحد شكله وحش أوى فسأله وقال له
عاوز أروح نار ٢٧.. فقال له يخرّب بيتك عملت إيه في
دنياك.. دا أنا أبو لهب ورقمى ٢٣.

دعاء الحكام العرب

اللهم إني أعوذ بك من الفيس بوك والتويتر واليوتيوب
اللهم باعد بيني وبين النّت كما باعدت بين المشرق
والمغرب
اللهم عليك بالمدونات وأصحابها




عريس جديد في مظاهرات التحرير يحمل لافتة ارحل
 بقي يا عم مراتي وحشتني بقالي ٢٠ يوم
 حظر التجول في مصر هو اغرب حظر في العالم...
 الناس تبقى قاعدة في البيت واول مايبدا حظر التجول الناس
 تبدأ تنزل في الشارع تنتفج.

الجزيرة: ملايين المتظاهرين في ميدان التحرير..
العربية: مئات الآلاف... التلفزيون المصري: ألوف
المتظاهرين مبارك: فين .. أنا مش شايف حد.

ورسالة ثانية من طلاب كلية الحقوق ... اختصروا بجد
في طلبات التعديل اللي في الدستور عشان مش لسه هنحفظ
تاني .. ودا علي أساس إننا حفظنا أولاني بس المهم
تختصروا .

الرئيس السوداني البشير ظهر على التلفزيون السوداني
و القاء خطاب للشعب: داير شنو يازول عليكم الله انتو
عاوزيني رئيس ولا خلوني أمشي أنا بزاتي ما ناقص
مشاكل،،،،!! قالو شعبة: أحنا عاوزينك يا رئيس عليك الله
ماتمشي أحنا بزاتنا مافينا حيل للمظاهرات.















الأكل على الطريقة الصينية

ارتفاع غير مسبوق لأسعار العدس



زق يا عسكري منك له .. جتة لنا أوامر نبغه
مصر عن تونس والجزائر اليومين دول !





— ضغط ٢٠ طن من البغايا الطيبة الخطيرة يتم تحويلها الى لعب اطفال ...













